

10. 1. *diff. 7. q. 1. n. 1.* qui enim eligit aut postulat, nominat quoque personam electam aut postulatam. Quandoque accipitur strictè pro illa consultatione, quâ Capitulum antecederet ad Electionem nominat unam vel plures personas, quæ cæteris habiliores ad Prælatum videntur, de qua consultatione actum in *edd. cap. 1. à num. 222.* Tamburinus *cit. q. n. 2.*

11. Quandoque adhuc strictius accipitur pro præsentatione, quam facit Patronus, unam personam, si Ecclesiasticus; vel plures, si Laicus

fit, ad beneficium vacans, quodcumque demum sit, simplex, vel curatum, nominandò, de quo in *cit. cap. 1. n. 9.* & Interpretes ad Lib. III. *Decretal. tit. de Instit. & Jure Patronatus.* Leuren. in *foro benef. part. 2. cap. præamb. q. 10. n. 2.* Quandoque demum strictissime accipitur Nominatio, & solum designationem personæ ad Prælatum Ecclesiasticam, viduatam comprehendit. Tamburinus *d. n. 2.* Et, cum ea acceptio proposito faveat, in illius sensu.

§. II.

Definitio Nominatiōis.

12. Definitur Nominatio, quod sit assumptio personarum ad Prælatum Ecclesiæ viduatæ ad Superiorem non-collegialiter directæ.

13. Dixi I. *assumptio personarum.* In quibus nominibus partim convenientiam Nominatiōis cum aliis acquirendi modis subjeci, juxta *cap. 1. n. 3.* partim & disconvenientiam adumbravi, dum per reliquos modos una duntaxat persona; per Nominatiōem verò quandoque etiam plures possunt designari, non quidem ut plures in Dignitate simul constituantur, sed illa ex illis, quæ Superiori magis placuerit, assumatur. Tamburinus *d. q. 1. num. 2.*

14. Dixi II. *ad Prælatum Ecclesiæ viduatæ.* Ut Nominatiōem à præsentatione ad beneficia

minora distinguerem, utpote cum quibus nullum in præsentatiōe commercium, sed tota tractatio cum Prælatibus Ecclesiasticis occupata est.

Dixi III. *ad Superiorem.* Nominatio etenim, sicut præsentatio Patroni, ad Superiorem dirigatur, necesse est, ut ab eo cognoscatur, examinetur, admittatur; sicuti docetur in *scd. seq.*

Dixi IV. *non-collegialiter directæ.* Quare Nominatio substantialiter ab Electione & Postulatione discriminatur: quia Electio & Postulatio sunt ab Universitate quâ tali collegialiter *cap. 1. n. 13.* & *cap. 2. n. 8.* Nominatio autem fit à persona individuali & singulari, aut saltem ab Universitate, privatorum instar consideratâ.

§. III.

Assignantur Tituli, ex quibus jus nominandi acquiritur.

15. Jus nominandi acquiritur I. ex speciali indulto & privilegio Summi Pontificis. Tale privilegium habent I. Reges Gallie, qui post multas altercationes, & concertationes, & deliberationes, quibus antehac provium erat Prælatibus Gallicanis, tandem annò 1515. vel (ut scribunt alii) annò 1516. ex Concordatis, inter Leonem X. Pontificem, & Franciscum I. Bononiæ conclusis, jus acceperunt, personas idoneas ad omnes Episcopatus, nec non Abbatis perpetuas (paucis exceptis, quarum meminit Tamburinus *d. diff. 7. q. 1. n. 3. & seqq.*) in Regno Gallie, Delphinatu, & Comitatu Diensi ac Valentiniensi, vacantes, nominandi, reservatâ Pontifici facultate, nominationes, à Regibus factas, confirmandi. Eminentiss. Card. Cœlestinus Sfondrati *Regal. Sacerd. in præd. §. 1. lib. n. 13. pag. 105.* Lotter de *Rebenef. q. 15. n. 3. 1. Pax Jord. l. 10. tit. 2. n. 67.*

16. Tale privilegium II. habere Reges Hispanie, quod nempe plerosque Regnorum suorum Antecessores ad Ecclesias Cathedralis nominare, & Summo Pontifici confirmandos præsentare valeant, attestantur Covarruv. *ad cap. possessio. part. 2. §. 10. n. 5.* & Barboza de *Off. & pot. Episc. part. 1. tit. 1. cap. 3. à n. 27.* Lotter *d. l. n. 32.*

17. Tale privilegium habuisse III. Romanorum Imperatores, constat ex *cap. Hadriani*

22. & *cap. seq. Dist. 63.* & dictum est in *cap. 1. à n. 48.* & 670. idque sæpius & diversimodè ab illis usurpatum fuisse, usque dum in Concilio Generali Lateranensi, atque etiam in Comitibus Wormatiensibus sub annum 1122. ab Henrico IV. cum Statuum Imperii assensu Electiones Episcopales in plenissimam libertatem asserat, & ab omni Cæsareo consensu exemptæ sunt, salvâ tamen Feudorum & Regalium investiturâ, per seipsum faciendâ, docet *cit. Cardin. Sfondrati d. loc. pag. 104. & seq.*

Quod ipsum etiam affirmat Henricus 3. Linckius in *Comment. ad Decretalis Lib. I. tit. VI. de Elect. §. 4.* quem reliqui Publicistæ & Scriptores Acatolici, non tamen sine auleo in Pontificem, sequuntur. Contra quos repetantur dicta in *cap. 1. à n. 630.*

II. acquiritur jus nominandi ex jure patronatus. Quando enim Ecclesia Collegiata, Conventualis, aut Cathedralis, ab aliquo fundata, extructa, aut dotata est, potest ab eo jus patronatus, seu jus præsentandi & nominandi Prælatum, accedente saltem Ordinarii consensu, reservari, prout colligitur ex *cap. nobis fuit 25. §. nisi aliter de sua jurisdictione obtineat de Jure Patronatus.* & tenet Gonzalez *ad cap. sacrosancta 51. de Elect. n. 10.* quem in *tratt. de Præscript. cap. 4. n. 469.* retulimus. Tenent quoque Covarruv. *cit. §. 10. n. 5.* Barboza *cit.*

iii.

18. *tit. 1. cap. 2. n. 33. & seqq.* Tamburinus *cit. diff. 7. q. 5. n. 1. & seqq.*

Dixi: *accedente saltem Ordinarii consensu.* Nam Card. de Luca, quantumvis de Jure Patron. *Disc. 15. sub n. 6. disc. 20. n. 16. disc. 68. n. 8. & seqq.* admittat, in limine fundatiōis à Patrono reservari posse conditiones, etiam Juri communi refragantes, solius Ordinarii consensu præhabito per textum in *cap. præced. 23. de Jure Patron. cap. quanto 16. de Censib. cap. verum 4. de Condir. appoi. attamen in eod. l. disc.*

55. n. 14. consensum apostolicum efflagitat; patrocinante eidem Rota Rom. in *rec. p. 5. decis. 593. n. 6. & seqq.*

III. acquiritur ex præscriptione temporis immemorialis, veluti deducitur ex Trident. Concil. *sess. 25. de reformat. cap. 9.* & resolutione Rotæ in *rec. p. 7. dec. 29. à n. 9.* ac cum Covarruv. *cit. §. 10. num. 4.* tradunt Barboza *cap. 3. num. 28. & 33.* & Tamburinus *cit. q. 5. à n. 5.* Renemoretur dicta de *Præscript. cit. l. à n. 467.*

SECTIO II.

De Conditionibus, in Nominatiōe servandis.

SUMMARI A.

17. Nominanda est persona idonea. 18. & seq. Et Graduatæ, si Reges Gallie nominent Episcopum. 20. Imo etiam, si alii Reges nominent. 21. Alia qualitates in Abbatibus desiderantur. 22. In Nominatiōe dignior est præferendus. 23. Debet Nominatus præsentari Superiori. 24. & seq.

Et quidem Pontifici. 26. Reges Gallie intra sex menses. 27. Si Nominatio repudietur, intra alios tres menses, præsentare debent. 28. Reges Hispania certum non habent tempus. 29. Reliqui Principes habent tempus quadrimestre.

§. I.

Qualis persona sit nominanda?

17. UT Nominatio legitime fiat, nonnullæ conditiones observandæ sunt, quarum prima est, ut nominetur persona idonea. Censetur autem persona idonea I. si non tantum vitis, quibus eligendum carere debere in *cap. 1. scd. 3. §. 4.* latè disertum est, destituta, sed etiam qualitatibus virtuosis, quas in eligendo *cit. scd. §. 1. 2. & 3.* exegimus, exornata sit.

II. ex specialibus Regum Gallie Concordatis per Franciscum I. cum Leone X. ereclis, oportet personam, ad Ecclesias Cathedralis nominandam, esse virum gravem, Magistrum seu Licentiatum in Theologia, aut in utroque Jure, seu in alterutro Jurium Doctorem aut Licentiatum, in Universitate famosa, & cum rigore examinatus, & in 27. sua etatis anno ad minus constitutum. Pax Jord. *d. l. Leuren. in foro benef. p. 2. cap. præamb. q. 10. n. 4.* Exceptis consanguineis

Regis, ac personis sublimibus, nec non Religiosis ex Ordine Mendicantium reformatis, eminentis scientiæ & excellentis doctrinæ, ex Regula sui Ordinis Graduum Academicorum incapacibus, in quibus ex causa rationabili & legitima, in Nominatiōe & literis Apostolicis exprimentâ, circa Gradum fieri potest relatiō. Leuren. *d. n. 4.* Similes ferè personas à Rege Catholico, aliisque Regibus & Principibus esse nominandas, deducitur ex Concil. *Trid. sess. 22. de reformat. cap. 2.* ubi præscribitur, ut, quicumque post hæc ad Ecclesias Cathedrales erit assumendus, præter ceteras qualitates scientiæ ejusmodi polleat, ut muneri sibi iungendâ necessitati possit satis acere. Ideoque antea in Universitate Studiorum Magister, sive Doctor in S. Theologia vel Jure Canonico merito sit promotus, aut publico alicujus Academia testimonio idoneus ad alios docendos ostendatur.

III. in nominandis ad Abbatis vel Prioratus Regulares singulariter desiderari, ut sint Religiosi; eundem Ordinem, cuius est Prælatum, professi; ac in ætate 22. annorum constituti, refert ex Concordatis Gallicis Tamburinus. *cit. tom. 1. diff. 7. q. 3. n. 1.* Pax Jord. *d. l.*

Utrum in Nominatiōe dignior digno præferri debeat? Articulum eò certiore credo, quò generalitèr & clariùs Tridentina Synodus *sess. 24. de reformat. cap. 1. omnes & singulos, qui ad promotionem præfectorum quodcumque jus quacumque ratione à Sede Apostolica habent, aut alioquin operam suam præstant, hortatur & monet, ut inprimis meminerint, nihil se ad DEI gloriam & populum salutem militis posse facere, quam si bonos Pastores & Ecclesiæ gubernandos idoneos, promovere studeant; eoque alienis peccatis communicatis mortaliter peccare, nisi, quos digniores & Ecclesiæ magis utilis ipsi judicaverint, non quidem precibus vel humano affectu aut ambulationibus suggestionibus, sed eorum exigentibus meritis præfati diligenter curaverint. Relegantur scripta in *cap. 1. à n. 270.* ubi plura de Electione dignioris habentur.*

§. II.

Cui persona nominata sit præsentanda?

18. AD conditiones, in Nominatiōe proponit. Et, spectatò antiquiori jure, sicut electorum, sic nominatorum Episcoporum præsentatio pro Confirmatione

firmatione proponit. Et, spectatò antiquiori jure, sicut electorum, sic nominatorum Episcoporum præsentatio pro Confirmatione faciendâ

facienda esse Metropolitanis, Prælatorum
verò inferiorum Episcopo Diocesano per ea,
24 *in cap. 1. n. 508. scripta fuere. Specta-
tò autem noviori jure, sicut omnes Electio-
nes, sic etiam electorum Confirmationes Pa-
pæ reservatæ sunt, ac quoad Ecclesias Cate-
dralis & Regulares exemptas manserunt,
postquam deinde per specialia Concordata*

seu Electio seu Nominatio ad alios tum Sæcu-
lares tum Ecclesiasticos devoluta est. Ut
propterea in omnibus Regnis, ubi jus nomi-
nandi in usu est, nominatus Summo Pontifici
præsentari debeat, quatenus præviâ inquisi-
tione in vitam, mores, dignitatem, & con-
ditionem &c. Confirmationem ab eodem ac-
cipiat. *Tamburin. cit. disp. 7. q. 3. n. 1.*

§. III.

Quò tempore sit faciendâ presentatio?

16 **I**nter condiciones legitimæ Nominatio-
nis tertio recensetur tempus sex mensium,
intra quod, à die vacationis numerandum,
Rex Galliæ, vigore Concordatorum, tenetur
Summo Pontifici personam nominatam præ-
sentare, tribus eum in finem Episcopis Romam
ablegatis; unâ ad Pontificem, alterâ ad Le-
gatam Romæ residentem, tertîâ ad Cardina-
lem Protectorem Regni Franciæ, quatenus eò
27 celerius negotium expediatur. Quòd si
Nominacionem ob vitium personæ recula-
verit Pontifex, Rex alium nominare potest intra
spatium trium mensium (vel, ut scribit Lor-
ter *cit. l. n. 32. sex mensium*) à die reculatio-
nis, sollicitiori Regio manifestata, compu-
tandorum. *Tamburin. cit. disp. 7. q. 4. num. 1.
Leurenus d. l. n. 4. Pax Jordan. n. 67.*

Quòd de Rege Galliæ dictum est, ad Reges
Catholicos non spectare, *Garcias de benefi-
c. part. 10. cap. 7. n. 34. in f. defendit*: eò quod
legitimâ præscriptione id juris acceperint, ut
nec intra tempus 4. mensium, aliâ Patronis
Laicis pro faciendâ presentatione præfixum,
nec intra aliud determinatum præsentare ten-
teantur; id quædè: quia multis occupatio-
nibus quâ belli quâ pacis distracti, non po-
tuerunt certò tempore constringi.

Quoad alios Reges & Principes, qui pe-
29 cularibus Concordatis, pactis, præscriptio-
nibus muniti non sunt, crederem, ex parita-
te rationis dicendum esse, quòd intra quatuor
menses, sicut aliâ Patroni Laici, Nominacione
Pontifici intimare obligentur. *arg. cap. quoniam
3. & cap. cum propter 27. de Jure Patron.*

SECTIO III.
De Effectu Nominacionis.

SUMMARI.

30. Nominatio ante admissionem Superioris tribuit
jus ad rem. 31. An nominatus ante admissionem
possit administrare? 32. Resp. negativè.
33. An cadat jure questio, si presumas admini-

strare? 34. Resp. negativè. 35. Nominatio
admissa est locò Confirmationis. 36. Omnis illius
effectus producentis. 37. Obligatio accipiendam
Confirmationem.

§. I.

Quid operetur Nominatio, nondum à Pontifice admissa?

30 **N**ominatio, antequàm à Pontifice fuerit
admissa, tribuit tantummodò jus ad rem
*arg. cap. sibi absentis 17. de Præbend. in 6. ratio-
ne cuius non quidem rejici potest persona nomi-
nata à S. Pontifice, si digna sit, potest tam-
en ab ipso nominante alia persona nominari,
absque eo, quòd in injuria prius nominata iro-
getur arg. cap. quòd autem 5. de Jure Patron. &
insinuat Tamburin. cit. disp. 7. q. 1. n. 1.*
31 An nominatus ante Confirmationem, si-
cut electus in concordia, *vic. cap. nihil 44. de
Elect. administrare possit? Non sine funda-
mento dubitari possit: quia videlicet æqualis
ratio, ex necessitate & periculo Ecclesiæ
sum petita, tam pro nominato quàm electo
32 militat. Quia verò dispositio illa à Jure
communi exorbitat; ac præterea jus, Electio-*

ne questum, est fortius jure, per Nominatio-
nem acquisitò: non errabit, qui sententiam
negativam elegerit.

Similiter, an nominatus, ante Confirmationem
nem administrationi semet ingerens, æquè
ac electus ex dispositione cap. avaritia 5. de
Elect. in 6. cum aliis concordantibus, privetur
jure suo? Ambigere quis posset: cum & hic
rationis paritas invenitur. Nihilominus
34 verius esse censeo, quòd non privetur: quia
dispositio *cit. cap. est penalis & odiosa; adeò-
que ad casus alios, ne quidem urgente ratio-
nis paritate, extendenda est. Atque ita in-
simili de præsentato docent Lessius de F.
& J. lib. 2. cap. 34. num. 15. Westner ad
lib. III. tit. 7. num. 5. Schmalzgrueber ibid. sub
num. 6.*

§. II.

Quidnam operetur Nominatio, à Superiore admissa?

35 **N**ominatio, à Superiore admissa, est locò
Confirmationis vel institutionis, sicque

tribuit jus in re *arg. antea cit. cap. si tibi absentis
17. de Præbend. in 6. & cap. transmissio 15. de
Elect.*

36 **E**lectio. Et quia ex jure resultat tum pote-
tas administrandi, tum vinculum matrimo-
nii spiritualis rati, quod habet Episcopus cum
Ecclesiâ; haud dubiè Episcopus, ita nominatus
& confirmatus, fortietur administrandi
potestatem, eritque instar electi & confirmati
sux Ecclesiæ tanquam Sponsæ copulatus.
Confer dicta in cap. 1. à n. 520.

Porrò quamadmodum Confirmatio strin-
git electum, ut intra tres menses à die Con-
firmationis Consecrationem petat; sic quo-
que stringit nominatum. *Barbosa de Off. & pot.
Episc. p. 1. tit. 1. cap. 5. n. 2. Plura de Jure
nominandi huc transferri poterunt ex 10. 2.
lib. 3. tit. de Pers. Reb. & Jur. Eccles. ubi de Jure
Patronatus agitur.*

CAPUT V.

De Collatione.

Quintus modus, isque ante Germaniæ aliarumque Nationum Concordata, se-
rè quotidianus acquirendi Prælaturas Ecclesiasticas, est *Collatio*, de qua in
præsentî cap.

SECTIO I.

De Natura & Jure Collationis.

SUMMARI.

1. Collationis etymon. 2. Definitio. 3. Est li-
bera assumptio per sona. 4. Ad Prælaturam vacan-
tiam. 5. Circa alterius presentationem &c.
6. Competit de Jure S. Pontifici. 7. Qui olim
sua Collationi omnia Prælaturas reservavit. 8.

Ex speciali privilegio competere potest aliis. 9.
Nec non ex jure patronatus. 10. & seq. Item
ex jure præscriptionis. 12. Dummodo præscri-
bens non sit Laicus, sed Clericus ac possessio-
narius capax.

§. I.

Quid sit Collatio?

1 **C**ollatio dicitur à conferendo seu conce-
dendo, venitque in Jure Canon. in tit. 8.
*Lib. III. Decretal. sub nomine Concessio, &
2 Definitur, quòd sit libera assumptio perso-
næ ad Prælaturam vacantem, citra alterius
presentationem vel nominationem facta.
3 Dixi I. libera assumptio, seu spontanea, &
nullò jure cogente facta concessio. Ut dis-
tinguatur Collatio ab Institutione, & Con-
firmatione, quæ non liberè, sed necessariò fit.
4 Dixi II. ad Prælaturam vacantem. Nam Colla-
tio de se non minus ad beneficia minora,
quàm majora, perinde ad beneficia simplicia,*

quàm Prælaturas porrigitur. Ut ergo osten-
derem, non de qualicumque, sed sola Prælatu-
rarum Collatione, hic tractari, memorata vo-
cabula annexenda erant.

Dixi III. *citra alterius presentationem &c.* De-
monstro itaque discrimen inter Collationem
& reliquos modos acquirendi dignitates Ec-
clesiasticas: hi siquidem alium nominatio-
nem, presentationem, vel deliberationem
supponunt, quâ sine non licet Superiori ad
provisionem devolare: illa propriò motu,
independentè ab aliorum factò, decernit-
tur.

§. II.

Quò Jure Collatio possit competere?

6 **E**odem ferè Jure, quò facultas nominandi
potest alicui competere, competit quo-
que facultas conferendi. Et inprimis ex Jure
Communi liberrima quarumcumque dignita-
tarum Collatio S. Pontifici competit: huic
enimverò, tanquam Supremo rerum spiritua-
lium Dispensatori, illimitata potestas, circa be-
neficia disponendi, ex officio & natura Summi
Prælatutis est permissa. Rationes datæ sunt
in cap. 1. n. 43. & seq.

à longo tempore jus eligendi Capitulis Eccle-
siarum vacantium indulserat, illud per varias
Extravagantes constitutiones, Bullas, Regu-
las Cancellariæ, ad se retrahere, ac plerisque,
etiam majores Ecclesias, Prælaturas Regula-
res & Sæculares, liberæ suæ Collationi reser-
vare cæperit, per dicta in *cit. cap. 1. n. 165.*

Deinde ex Jure speciali, privilegio videlicet
Pontificiò, quin aliis Prælatibus Ecclesiasticis po-
testas conferendi Prælaturas competere pos-
sit, nullus, ut opinor, tam hospes est in Jure,

